



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

XIV. Eò processerat Legatorum aviditas ut se ita redderent in  
procurationum exactionibus onerosos quòd oppressi subditi hujusmodi  
onera non valebant supportare. Frustra enim fuit decretum Innocentij ...

**urn:nbn:de:hbz:466:1-15617**

ordinis procurations exigere mod. ratae, indulgentia concessa eidem ordini non obstante; quia tamen non est intentionis nostra, nec credimus esse tue, ut contra ipsorum indulgentiam procurations ab eis pecuniarias exigantur, mandamus quatenus cibis regularibus contentas, absque ejus carnium, cum ad eos accesseris, prout in predicta indulgentia continetur, procurations pecuniarias occasione literarum hujusmodi non patiaris exigiri ab eisdem.

XII. In Gallia quoque nostra motus aliquos excitarunt illae Legatorum procurations. Colligitur istud ex epistola Innocentij I V. ad Episcopos provinciae Narbonensis, ex qua constat illos difficiles se praebuisse in solutione procurationum. Extat ea epistola in archivio Archiepiscopi Narbonensis. Sic autem habet.

*Innocentius Episcopus servus servorum Dei, venerabilibus fratribus Archiepiscopo Narbonensi ejusque suffraganeis salutem & apostolicam benedictionem. Volentes ut in vestris & Francie partibus sit uniformitas in procurationibus sedis apostolice Legatorum, presentium auctoritate precepindo mandamus quatinus hujusmodi procurations in provincia vestra ratione previa reducatis ad legitimum modum qui in aliis provinciis regni Francie observatur. Datum Lugduni 11. Idus Iunij, pontificatus nostri anno quarto.*

*De hac legatione  
vide Odor. Raym.  
naldum ad ann.  
1110. fol. 38.*

*Acta extant in  
archivio Archiep.  
scopi Narbon.*

XIII. Anno MCCCX, cum Clemens V. Legatos in Galliam misisset Stephanum Tituli sancti Cyriaci in Thermis Presbyterum Cardinalem & Landulfum Tituli sancti Angeli Diaconum item Cardinalem, eisque indulssisset uti quandiu ea legatio duraret, tam in praesentia quam in absentia procurations usque ad summam viginti librarum Turonensem parvorum diebus singulis pro eorum quolibet, pro suis & familiae sua expensis, reciperent a personis ecclesiasticis exemptis & non exemptis illarum partium per quas eos transire contingeret eisque vicinarum vel adjacentium, habuit ista res contradictionem in episcopatu Helenensi, qui tum erat intra fines regni Aragoniae. Nam cum imperasset uti persona ecclesiastica provincia Narbonensis persolverent quingentas libras monetæ Turonensis, & Vicarij generales Archiepiscopi Narbonensis personas ecclesiasticas diocesanos Helenensis taxassent in viginti libris Turonensem parvorum, Raymundus Episcopus Helenensis suo diocesanorumque suorum nomine respondit non teneri se ad præstationem illius pecunie, ea videlicet de causa, quod cum Helenensis diocesis foret de alio regno, nunquam persolverat procurations debitas Legatis aut Nuntiis qui à Romana Ecclesia mittabantur ad Regem Francia pro negotiis di-

ctum Regem & regnum Francia tangentibus. Allegavit præterea privilegium Innocentij I V. qui Iacobo Regi Aragonum per speciale privilegium concessit quod si Legatus vel Nuntius per fidem apostolicam mitterentur, legationis officium in dioecesi Elenensi minime exercerent, licet sit de provincia Narbonensi, nisi de episcopatu predicto Elenensi faceret mentionem, & quod in regno Aragonie esset situs. Quin & Infans Sancius Regis Majoricarum, ad quem tum comitatus Ruscinonensis pertinebat, primogenitus & Locumtenens, de eadem re scriptis ad Vicarios generales Archiepiscopi Narbonensis, alterens inter cetera istud redundare in præjudicium & gravamen Domini Regis Majoricarum. Quod ideo annotavi, ut ostenderem variis interdum contradictionibus jactatas fuisse procurations Legatorum, variis coloribus queatis.

XIV. Nam ed processerat Legatorum apostolica sedis aviditas, ut cum amplissima auctoritate instruti ad provincias accederent, tum in literis pontificis de legatione sua potestatem accepissent exigendi procurations, etiam intentatis pecunis excommunicationis, sic se redderent in dictarum procurationum exactionibus onerosos, ut oppresi subdi hujusmodi onera non valerent supportare, & viatum longi temporis brevis hora consumeret. Frustra enim fuit decreta Gregorij X. in Concilio Lugdunensi, qui ad exemplum Innocentij IV. veterat ne procurations recipentur in pecunis, muneratione receptionem interdixerat. Gradum deinde ad licentiam fecit Bonifacius VIII. qui eis quibus officium visitationis incumbit permisit uti a volentibus Ecclesiarum & locorum visitatorum rectisibus super sonis pecuniam licet recipere valeant pro sumptibus moderatis faciendis in viatibus, diebus quibus visitationis officium personaliter exerebunt. Hinc factum ut sequenti tempore & Pontifices Legatis fecerint potestatem exigendi procurations pecuniarias contra majorum instituta, & Legati ad omnem aviditatem proni neque desides essent neque negligentes in exigendis procurationibus. In quo illud rursum incommode eveniebat, ut quoniam sedes apostolica, quemadmodum adnotat Ioannes Paulus de Pavinis, pro magna parte per sua privilegia divites à præstatione procurationum exemerat, pauperes multum gravarentur ex ea penititione, que levior non imponebatur, tamenetsi divites ab ea præstanda immunes essent, sique siebat, quod de seculo suo querebatur Salvianus, ut pauperulos homines tributa divitum premerent, & infirmiores ferrent sarcinas for-

tiorum, solutionemque sustinerent divitum & indigentiam mendicorum. Sed tandem justissima regnorum & provinciarum querela fecerunt ut quarelis deinceps locus non esset, abolitis nimirum prorsus illis procriptionibus.

C A P V T L I I .

Synopsis.

I. Legatis pecuniam ex procriptionibus collectam effundebant cum probro atque dedecore. Agendum eodem tempore de luxu & pompa Legatorum. Anastasius Episcopus Thessalonicensis notatus.

II. Missus in Germaniam Legatus à Silvestro secundo Frithericus, vir cetera bonus, ambitioso apparatu in provinciam profectus est, ambitione provinciam habuit. Et tamen primus locus datus non est in Concilio quendam in eo adiutus Archiepiscopus Moguntinus.

III. Hugo Archiepiscopus Lugdunensis & apostolica sedis Legatus, ut magnitudinem suam ostentaret provincialibus, synodum generalem celebrare coquat intra Gallias. Consultus à Rege Ivo Carnotensis respondit istam audientiam non esse tolerandam.

IV. Iam tum Legati contendebant primum locum sibi competere in Conciliis generalibus cum prorogatione suffragi. Sed hanc legem duram & iniquam esse putabant Angli, ut patet ex Gerasio Dorebrensis.

V. Notatur ambitio Gerardii Episcopi Engolismensis, qui generales synodos congregabat ut Concilio praesidens generali amplitudinem sue potestatis gloriabundus insiceret.

VI. Luxus & ambitio Petri Leonis in legatione Gallica & Anglicā, tum perditissimi mores, & ad irritamenta gule sollicitus animus.

VII. Fastus tamen omnis abesse debet à Legatis; ut probatur etiam auctoritate sancti Bernardi.

VIII. Illustrē fastus Legatorum exemplum in persona Vvilelmi Episcopi Elenensis, ex Mattheo Parisio.

IX. Item in Pelegio Episcopo Albantensi, quem Innocentius III. Legatum misit Constantinopolim.

X. Item in Egidio Cardinale, qui sub Honorio III. Legatus in Scotia fuit.

XI. Otto Cardinalis Legatus in Anglia tanta pompa tantisque fastu Concilium generale celebravit ut ob hoc ipsum graviter reprehensus sit à Mattheo Parisio.

XII. Narratur historia cuiusdam nebulonis, qui se Legatum serens apostolica sedis, munera preiusa ab Abbatis & Prioribus Anglia exigebat, ea rufpens que fastus & ambitione ejus non videbantur esse congruentia, reposeens interim pretiosiora.

XIII. Explicatur Matthei Parisii locus de privilegio Regis Anglie sophisticā salvando. Privilgium illud in eō versabatur, ut Legatus in Angliam mutui non posset nisi à Rege postulatus.

XIV. Insignia Legatorum, id est, rubra vestes, ex Mattheo Vestmonasterensi. Apostolica dignitatis insignia vocantur ab Innocentio III. & apostolica paramenta atque insignia à Tangmaro.

XV. Hinc colligitur indumenta Romanorum Pontificum, qua rubea erant, communicata fuisse cum Legatis posteriorum temporum, sicut olim Pallium. Ve-

stes Romanorum Pontificum fuisse olim purpureas probatur ex Concilio Remensi adversus Arnulphum & ex Ioanne Saroberiensi.

XVI. Probatur etiam ex Ottone Frisingensi, ex Actis Gregorii septimi, & ex veteri codice Vaticano apud Baronum.

XVII. Tunc ex Petro Damiani, & Leone Ostiensi. In Pallio sive mano posita olim erat consummatio electionis Romani Pontificis.

XVIII. Legati vestibus rubris usi diu ante quam Romani Pontifices rubram vestem concederent Cardinalibus. Exemplum in Pelagio Episcopo Albanensis. Tunc in Dominicis Polonis. Innocentius IV. Cardinalibus concessit ut galero rubeo. Qui secuti sunt Pontifices, sua & illi decora addiderunt.

I. P R O C U R A T I O Legatorum sedis

apostolica ab initio fatis bonis primum profecta, deinde versa est in malam consuetudinem exigendi sumptus immensos, qui postea effundebantur cum probro atque dedecore ob fastum & luxum Legatorum. Quod ut ostendamus esse verum, exemplis agendum erit neque obscuris neque ambiguis, & quæ petantur ex auctoribus antiquis & bona fidei. Simil autem, ne causas dividamus, de luxu & pompa Legatorum agerimus qui graves provinciis non erant ob procriptionum exactiōem. Neque enim recons est hoc malum. Quippe suprà vidimus Anastasium Thessalonicensem Episcopum

*Vide supra cap. 16. 5. 11. & cap. 27. 5. 4.*

Leoni magnitudinibus affectasse celebrazione Conciliorum generalium Illyricanae Dioceceso, per cujus tractus Episcopus Thessalonicensis erat Vicarius seu Legatus apostolicae sedis, ut provincialibus potentiam & magnitudinem suam tali modo ostentaret. Medij temporis historiæ apertiora istius ambitionis exempla proferunt, quæ nos referemus.

II. Sedente in apostolica sede Silvestro istius nominis secundo, cùm Vvilligisus Archiepiscopus Moguntinus synodum contra Canones celebrasset in diœcēsi Hildesheimensi, cuius Episcopus erat sanctus Bernvvardus, isteque qurelam de ea re ad Concilium à Silvestro celebratum detulisset, primum damnata est Vvilligis temeritas; deinde placuit synodum Episcopis per Saxoniam indici, Vicarium nihilominus ex parte Domini Apostolici destinari qui synodo presideat. Legatum illum, qui vocabatur Frithericus, summis laudibus effert Tangmarus in vita sancti Bernvvardi. Neque ego ista negaverim. Illud tantum ex hac historia colligam, etiam tum in modestissimi hominis animum penetrasse ambitionem Legatorum sequentis ætatis.

Nam istum ambitioso apparatu in provinciam profectum, ambitiosè illic egisse, docet idem Tangmarus, homo alioqui Fritherico non infensus, his verbis: *Frithericus Car-*

*Vide S. Bernvradus arct. pag. 4.*